

## Canon der vier element

**N**un merck von den vyer elementten. als Feuer/ Luft/Wasser vnd erd  
wie es darnach witteren soll So der Mon darinn new wirt. Vnd ist  
zu wissen das von morgen bis auff mittag regiert das element Feuer  
Vnd von mittag bis a crepusculo das ist der Sonnen vndergang. So re-  
giert das element der luft. Vnd von a crepusculo bis auff mittnacht so re-  
giert das element wasser. Vnd von mittnacht bis zu auffgang der Sonnen  
so regiert das element die erdt

**N**un merck der New mon. So er sich entzündet in dem element des feurs  
vnd des gleichen. als wann er entzündt wirt als von morgens bis auff mitag  
so wirt der monat warm vnd trucken

**E**ntzündt er sich aber in dem element des lufces. das ist so er sich entzündt  
in der zeit als von mittag bis a crepusculo. das ist zu dem vndergang der  
Sonnen. So wirt der selb monat feucht vnd windig

**W**irt er aber entzündet in dem element des wassers. das ist in der zeit. von  
a crepusculo bis auff mitnacht. so wirt der selb monat kalt vnd wässerig

**W**irt er aber entzündet in dem element der erden das ist die zeit von mit-  
nacht bis zu der Sonnen auffgang So wirt der selb monat kalt vnd trucke.

## Der Sonnen lauff durch die zwelz Zeichen

**E**r wölle den lauff des morgens recht wissen. wie die Sunn  
durch die zwelz Zeichen laufft in ainem Jar durch alle Zeichen  
vnd pleibt in ainem yeden Zeichen dreißig tag. So seind auch  
zwelz Zeichen/ Aries Taurus Gemini &c. Vnd durch diese laufft  
der Mon in ainem monat. vnd durch lauffet alle Zeichen in  
.xxx. tagen. vnd beieibt in ainem yeden Zeichen dritthalben tag. Vnd mit dem  
durch lauffen dieser Zeichen so kumpt der Mon zu dem Zeichen da dann die  
Sunn in ist. vnd mit dem verainet sy sich. So wirt dann der Mon inbrün-  
stig. wann da endet sy iren lauff. Wann aber der Mon schaidet von der Sunn  
en .xij. gradus das gebürt an dem himel. lvi. meyl. So vahet er an zu leichten  
vnd wirt gesehen von dem menschen. Vnd nymbt auch sein lycht von der  
Sunn

**W**ie nach stat geschriben Von den sibben  
planeten wie sy regierent nach des Mones schein. Vnd wann sy  
schön feucht oder nas wetter gebent